

欽定剿平捻匪方略

欽定剿平捻匪方略卷一百二十九 辛酉年

十二月二十七日

庚辰

賈臻奏言髮捻各逆趨犯

潁州郡城十二月十五日復於東路十八里鋪
七里河一帶蠡擁而來馬步約二萬人前隊直
偏東關賊騎距關圩一二里往來馳驟而以步
賊伏於亂冢開礮攻擊參將魯占魁遊擊李安
邦督飭兵勇練丁憑圩固拒另股搶踞高阜槍

礮齊施守垛兵練屹立不動賊由東西包過南關該關添築外圩尙未完整賊衆趨偪濠邊拋擲火器遊擊梁士紳揮令兵團轟退斃賊甚多該逆恃衆旋退旋撲正在相持之際參將馬陞挑選奮勇二百餘人分爲兩隊一由城西繞至西南自率一隊穿城而出直進南關圩內署潁州營遊擊范文英帶兵踵至梁仕紳與參將姚

長齡同時出圩率領親隨小隊大呼奮擊都司
陳義徒步殺入賊中手搏數賊賊隊大亂捲旗
回奔先是李安邦商令魯占魁固守東關而自
帶得力勇丁設伏要路回竄之賊經過城東伏
兵突起賊衆蒼黃驚竄李安邦與其弟李安民
疾趨追之賊遂敗奔東南兩路官軍共斃賊四
五百人我軍追至十八里鋪而還該逆復乘夜

集賢堂
由河干擾及東北關下經署廬鳳道葉春培開
槍擊退此次大股逆衆悉銳攻撲志在奪踞關
圩仰賴

皇上天威將士用命以少勝衆力保城關惟我軍雖
奮而賊勢未衰現在羣逆屯聚郡東二三十里
內日來窺伺臣惟有督率官紳兵練同心堅守
以待援軍仍懇

飭下勝保迅速南來李續宜袁甲三李世忠等派兵
援剿以保危城奏入

上命議政王軍機大臣傳諭袁甲三李世忠李續宜
賈臻曰賈臻奏逆匪圍撲潁城復由東路十八里
鋪七里河一帶直撲東關參將魯占魁等督帶兵
勇雖將賊衆奮力擊卻而逆勢未衰現在屯聚郡
東二三十里內日來窺伺等語袁甲三駐軍淮甸

昨奏有苗練勾黨攻撲潁郡之說賈臻所奏未知
是否卽係此股潁郡一城關繫北路屏蔽當茲賊
勢狡猾該大臣責無旁貸李世忠因賊擾全椒帶
兵回滁現在潁郡有警自應催令迅速趕回袁保
恆回駐長淮衛亦應調回援剿以助兵力李續宜
續調安徽巡撫該撫本以皖事自任多隆阿及蔣
凝學成大吉等軍分圖廬壽前旨飭令迅督兵勇

繞援潁城如實無兵可撥卽商同曾國藩設法抽
調皖省淮北地方僅有潁州郡城未陷務當速籌
救援毋稍遲誤賈臻所請飭令勝保南下現在北
路尙未肅清勝保勢難分身本日又諭令先派兵
勇赴潁援剿賈臻仍當就現有兵力守禦不得專
待援師稍涉鬆懈

上又命議政王軍機大臣傳諭勝保曰十二月十五

日髮捻各逆由東路十八里鋪等處直逼潁郡東
關經賈臻調派參將魯占魁遊擊李安邦督飭兵
練憑圩拒守賊遂由東面包過南關遊擊梁仕紳
等各督兵勇轟擊賊隊回奔惟郡東二三十里內
匪衆日來窺伺必須前往應援勝保現擬移紮張
秋將東省匪徒實力掃蕩自未能剋期南下著卽
挑選得力將弁酌帶兵勇星速前赴潁郡卽會同

賈臻各軍合力兜剿毋稍遲誤

二十八日辛巳調任湖北巡撫嚴樹森奏言據南

汝光各屬稟報正陽擒匪張鳳林蕭汶信等聚

黨盤踞陡溝築寨負嵎四出焚掠北至汝確南

至信羅匪蹤充斥十一月間浙江學臣吳保泰

道出明港遇賊被搶鄉團救護僅以身免賊黨

霍光玉等竄踞息縣之土扶橋時圖撲城雖經

各該地方官督團剿擊而裹脅日衆奸民揭竿
相應現由陡溝竄偏信陽團勇接仗失利進圍
州城並分踞明港驛州城情形危急請派兵剿
辦等情查正陽匪徒與汝捻陳大禧等本屬一
黨因汝甯張曜一軍牽掣於平輿之賊未能兼
顧該匪得以乘機裹聚勢若燎原此時驛路已
爲梗塞信陽幾成坐困若不及早掃除則陡溝

又將爲平輿之續臣前派周鳳山招募湘勇正
爲此路防剿之用今此軍尙無來豫的期而南
路賊勢日熾若坐待其至恐誤事機且苗黨潘
四偪處光固與各匪聲息相通苗沛霖亦圖攻
撲潁郡西擾豫疆臣身膺疆寄於豫省全局均
應兼顧統籌刻下祇此省防一支得力之師自
應趁此時毫掄尙未出巢苗逆尙未西竄先清

內寇再退鄰氛查總兵穆正春所部除剛銳左營及新前營已派駐防沈項外其餘八營步勇四千四百人益以吉林黑龍江馬隊並馬兵馬勇等四百人均令穆正春統帶卽於二十六日取道遂平確山進援信陽將汝正羅息一帶土匪節節掃蕩以清腹患張曜一軍卽可乘此聲勢進攻平輿並飛咨湖廣督臣官文湖南撫臣

毛鴻賓催提湘勇新鳳六營卽日來豫進紮光

固與六霍一帶楚師聯絡聲援以防苗患近聞

定遠捻首張落刑等率衆回竄已至穎上其勢

必爲苗逆前導如穎郡有警則豫省邊防處處

喫重而陳州爲尤亟臣現今穆正春統兵南下

蓋欲乘此一刻之暇肅清內患卽移得勝之師

取道新息進紮沈項庶可以全力進圖苗逆惟

省防爲根本重地存兵祇有楊飛熊所部襄勝
中前後三營及驍壯營馬勇共不滿二千人其
襄勝左右兩營留防河朔一時未便遽撤現已
飛催副將余際昌募足楚勇二千七百人分爲
昌勝中前後左右五營卽日來省會同楊飛熊
逐日訓練以備各路雕勦之用沈項雖有知府
李徵松督帶楚勇千人並遊擊王永慶李永祿

馬步各軍六百餘人扼要駐紮而兵力尙單設

有警報臣仍當隨時派兵策應以固陳郡門戶

此時僧格林沁一軍近紮定陶痛勦曹屬會匪

軍聲大振其勦敗回竄之匪復經臣會同毛昶

熙派兵會合鄉團截殺殆盡蒙亳一帶賊膽皆

寒惟金樓未克阻我進兵之道現已嚴飭前敵

各軍迅圖克復俟豫境各匪肅清然後南圖苗

逆東擣捻巢庶無後顧之虞

嚴樹森又奏言前奉

諭旨以周鳳山非獨當一面之才令臣酌量情形辦

理查副將周鳳山熟於戰陣惟不學無術口直

性莽是其所短該副將亦自知其病痛悔前非

臣留心察訪知其閱歷漸深氣質漸化善爲駕

馭誠屬有用之才前飭回湘招集舊部弁勇三